


東天目山志

漢書門			
二	三	六	二
一	三	九	二
六	四	九	二
冊	架	函	號

卷之三

詩



內閣文庫			
二	三	六	二
九	三	六	二
函	一	六	二
架	冊	號	類


內閣文庫	
番號	漢 2362
冊數	6 ( 3 )
函號	292 53



詩文

淺草文庫

張之采曰游子忘歸弄清輝而寄歎幽人獨進飲丹  
 井以裁詩逸因景而益舒詞以情而倍麗是以金樽  
 玉柱玉柱豪生五色之花雲嶺虹峯望切九仙之境不有  
 墨妙墨妙幾負山靈粵惟天目之東允矣人寰之勝文豪  
 韻領韻領時載筆以來思禪侶儒紳恒踏蹻而至止或臨  
 流命句或坐石寫懷或望遠寄吟或升高騁翰豈後  
 先之合調實今昔之同情故雖苔剝銀鈎鉅落蛟龍  
 之字塵封玉笈沈埋蝌蚪之文尚堪掩映林泉自爾  
 昭回星月藉如椽之筆垂巨麗之觀不第一時自可



千古郡尊爰志詩文

今華亭姚 鏗識

又

折屐碁邊情易編將鬚筆畔淚難禁何如拍手招元  
放玉室金堂深更深

張 輿

東目望蛾眉峯

天日本自佳橫眉清更好不效越娥顰不因漢時掃  
嫣然麗儀容誰能妬其巧宮中好為圖見此應絕倒  
顏廷渠

大仙峯

浮玉東峯雲作梯到來但覺衆山低葛仙丹穴池長

東天目志  
滿帝子經臺路不迷風落松花堆鷲嶺泉垂虹影入  
茗溪琳宮如傍青天伴夜半金雞海底啼

王亮

大仙峯

大仙峯頂足煙霞乘興爭隨博望槎天到名山開兩  
目海當勝地獻千花會無客子凌孤巘恰有毘盧誦  
法華吸取丹泉淪仙茗蓬瀛何處是吾家

許讚

臨安道中望天目

天目雄西北回頭勢若臨翠峯籠紫霧白鳥撞青林

十錦風光麗三吳樹色深路人頻指點王業久消沉

劉紹恤

送友登天目

九日初逢菊未開不須重九卽登臺憑將天目千山  
色故起中原二子來白鴈欲過霜葉滿玄猿常臥洞  
雲隈遙占劔氣雙龍合豈愧相如作賦才

羅萬化

東目

駿馬勝空碧玉浮白雲携我上峯頭江遙百里煙波  
渺松護千巖翠靄稠觀瀑亭前銀漢合迴光庵外紫

虹收醉來夜臥依星斗絕勝乘槎博望游

瀑布泉

千尺飛泉破碧空白雲堆裏駕長虹此來莫惜躋攀  
力須信天關有路通

分經臺

千年寶刹枕山腰帝子經臺路轉遙跌坐談玄風正  
寂夕陽斜趁下層霄

宿東目蚤下

靜聽松風奏夜琴一樽傾倒歲寒心朝來日煖堪歸  
味時得流泉助好音

張元怵

秋日訪友登東目

誰道西巖獨擅名最憐東目逼人青千峯過雨浮空  
翠一徑穿雲入杳冥月色正逢秋夜好琴聲况有故  
人聽老僧乞我留遺墨到處鐫將石上銘

觀瀑亭

蒼崖千尺白雲垂噴雪驚人八月時却憶年來觀瀑  
處匡廬天目兩稱奇

迴光庵

法眼由來徹九旻無端知見自沉淪而今更洗天池

水萬劫何緣染一塵

白雲窩

峯迴遙見白雲飛又傍松蘿過嶺西  
試問白雲何所似隨風到處是禪機

馮夢禎

東天目

一徑排空遠應憐最上層參差峯翠立  
隱見海波興天逼風尤勁地寬雲更蒸  
鳥飛應不到長嘯對山僧

昭明禪寺

半峯行不盡天半談禪扉古木陰垂地  
高雲冷拂衣

山僧能款客鉢飯亦忘饑帝子遺經在  
淹留恣夕暉

分經臺

帝子分經處荒臺儼未傾三松寒作蓋  
千嶂鬱爲城白日齊梁速浮雲旦暮生  
人來明月夜彷彿見吹笙

下東目送友人先歸

惆悵東峯下胡爲風雨歸萬山看不厭  
一水忽成違寂寂憐春盡依依逐鳥飛  
西天初夜月不得共徘徊

蔡懋孝

東目

萬峯歷盡路重回一逕遙從天上開  
瀑布淙淙來上

界白雲冉冉出經臺煙嵐遞日乾坤變草木先秋雪  
霰摧閭閣可通吾欲問酒星何日謫三台

楊鉉

偕友游浮玉山

浮玉煙含無數峯追隨叔度不支筇巖前翠靄千林  
鉢杖底深藏萬壑鐘臺列分經開菡萏虹垂瀑布暗  
芙蓉况聞佳句同坡老恍在巫山十二重

徐 桔

徑山來觀瀑亭

蘿躡壁上雲岑風景撩人興不禁石送飛泉晴作

雨龍嘘涎氣晝生陰懸崖絕壁千山隘翠竹蒼松一  
徑深行到峯頭最高處恍然爲我洗塵襟

安希范

垂虹橋

飛流萬丈界青葱疑決星河瀉碧空迸散寒光珠映  
日飄颻素影練含風靈源已辨茗溪出勢遠應趨震  
澤中支策石梁看不厭呼童携酒亂雲叢

高 燦

游東天目和月龍韻

迂道野蘿繁荒雲斷午風聽溪環耳肅避石屐痕重

日溜空中色山多入倒容屨危逢絕處榛徑又斜通

又

預摘天香入好詩樓臺清冷鏡空時斗噓燁氣文章  
潤畢度流波草木滋直上五雲風袖大倒歸三舍玉  
懸遲斯文擬與同光國巖壁魚吳勃采思

游東目

全袁文榮公游和韻時年十八

白雲扶我上天日助我靈光看萬峯絕壁攔蘿懸赤  
脚際天摩日倒長虹高中有像黃封在崖斷無聲金  
碧空平崗鳳舞隨龍去兩翻秋風一望中

馮大綬

東浮玉

天目東峯倚太空秋深躡履御長虹瓊漿亂噴青天  
雨珠箔橫翻碧海風勝地自應棲化鶴高蹤誰不羨  
冥鴻同來詞客俱陶謝賦就明珠落掌中

分經臺

日暮棲遲處分經臺上松吟風聲細細籠月影重重  
鳥下窺遊客雲歸帶晚鐘探奇吾未厭煙際採芙蓉

王畿

觀瀑高處望凌霄峯

高登喜雨坐僧樓共語茶杯意更幽萬丈龍潭飛瀑



倒五峯鶴樹叢雲收碑含御製侵苔碧經啓曇花拂  
曙秋還擬凌霄好風月海門東望大江流

沈大綬

登東目

同張太史宿禪房

壯游從勝地東目擅山城半落垂虹影雙聞瀑布聲  
月明林轉翠風靜葛偏輕暫借峯頭宿同留太史名

又

清秋便登覽正喜故人來拂袖穿嵐徑傾尊飲露臺  
琴和山水契話久虎猿猜變幻看雲月浮生總自裁

從天目游華石山

一派來天目縈迴到華山山嵐送水碧政竹風清  
淪茗無煩鼎冰心可作丹正宜清白吏吸取共雲間

徐渭

瓦觀音

俱誤刊西目志今燬

鏡羅漢已燒成塵瓦鑄觀音又一新見說前村披木  
葉青裙夜降紫姑神

古杉

赭鍊青銅凌紫煙能爲人語向人間二十年事說不  
盡夜夜青溪勞往還

又

斷壁孤杉四十圍不關風雪陰霏霏柯南一國痴  
蟻長惟曾無白日飛

袁宏道

千佛閣爲玉輪上人

千佛閣中千箇佛眼底諸君皆髣髴傍邊突立千佛  
巖紺朱剝落千年物寒風十月枯青嶂短尾饑猴跳  
枝上毘盧帽子茶褐衫道是堂頭老和尚

孫昌裔

觀瀑亭

小築深山好亭亭傍水涯憑虛飛足跡倒影亂流霞

浪自天邊湧寒因夜半賒徘徊選月上匡頂未須誇

禮昭明禪寺

靈境杳然入虛堂落照微池留清眼水枝挂定僧衣  
般若心常寂分經願不違高蹤應仰止花雨自霏霏

鄒德溥

東浮玉

疊嶂鬱差峩琳宮鎖薜蘿懸崖穿日陸飛瀑瀉天河  
世遠炊煙少山深宿霧多不逢獅子吼何處問禪那

吳伯與

觀瀑

東天目志  
九  
夜蹬看懸瀑蒼波日午寒玉龍飛若繫銀漢瀉疑殘  
響徹驚過鳥陰連滯急湍幽期殊未已欲去且盤桓

杜喬林

同友游東目

密樹危峯合深流出澗通經過名勝地疏鑿自神工  
瀑雨翻珠海巖花吐藥宮到此舒長嘯因君意氣雄

沈伯寵

游東目

翠蘿入天目遠眺豁塵襟足練翻青嶂長虹跨碧岑  
雲林初下榻月夜共聽琴謾說西巖勝騷人試此尋

馬用錫

東天目

春風吹我入天山僧舍棲雲白日閒月下笙簧猿欲  
和一宵清夢出塵寰

言有時

同張太史游東目

遙看天目白雲生覽勝偏從絕頂行一澗垂虹連古  
木千峯浮玉映新晴琴聲入座塵心遠月色當空夜  
氣清佳會人生良不偶况逢此夕二難并

陳繼疇

瀑布泉

雲裏携筇下碧霄山僧相送過溪橋爭看足練隨風  
舉忽訝晴虹出峽驕細剪冰花寒拂岫倒排銀浪暗  
通潮不知底事忙多少欲赴滄溟萬里遙

大仙峯

斗畔雙峯斷復連褰衣百折倚危巔乍飄空翠林光  
合忽捲晴嵐黛色鮮震澤飛濤天地外錢唐雪浪女  
牛邊夢游十載還成夢擬趁罡風到梵筵

過西化成寺望天目

不淺登臨興籃輿傷晚行村村皆竹色日日是山程

屏列雙天目林標兩化城春風如有意吹徧百花明

宿昭明庵與耶溪談經

暝色含宵景征車暫一停齋心依老衲揮塵了殘經  
灑氣浮窓白晴嵐壓岫青猿啼清夢斷彷彿對山靈  
早發天目暮抵東化城

十日山行盡依然入化城授餐賢主意下榻古人情  
擁衲高僧臥爭巢亂鳥鳴漸看新月上偏照客窓明

李燁然

瀑布泉

泠泠照眼野泉清瀉作懸崖足練明飛岫穿雲龍欲

下寒林噴雪鳥還驚混濛萬古開青塢珠玉三天映  
赤城底是銀河恣傾倒深山夜夜海潮聲

大仙峯

振衣最上欲凌霄望望憑虛世轉遙半壁夜含江北  
雨孤峯時見海南潮煙霞一縷因風落檜柏中林帶  
月飄九轉信能生羽翰雙鳧冉冉聽吹簫

湯賓尹

却寄達觀

何年携策去偃臥不知春萬劫開雙目孤雲伴一身  
入山初得道乞食少逢人亦有塵中客凄凄共爾貧

訪澹居天目山

訪舊還山又一年花開葉墮思諸緣將無夢我驚難  
定勿復談時臥益堅月上松臺依白石雲移竹篔簹  
丹泉也知慧遠能開社種芋環庭酷擬蓮

王在晉

登東天目山

海日初升曙色紅祥光旋繞上皇宮天顏有喜開晴  
霽神目無私普大同地湧百靈通遠近山圍翠玉合  
西東綦隆萬載當重慶默贊昇平仗帝工

又

東坡目志  
翥鳳翔龍擁帝宮珠圍翠繞玉玲瓏高懸神鏡三千  
界徧矚迴光六合中轉輾玉皇消尺電興衰吳越徹  
重瞳兒孫萬壑皆臣服護衛鑿與拱上穹

又

莽氣飛揚不見山翠盤高聳水流潺湲將青白和雲  
碧點就紅黃葉作斑江海襟期開地局旻天眉宇出  
塵寰玄穹咫尺開閭闔吾亦翹瞻望玉顏

觀瀑

銀海潺湲未不消傾盆走溜柱林標冰消飛瀑千重  
隨珠沫翻飛百尺橋石鼓起風寒烈凍龍驚蟄雪

飄飄莫言散髮纓堪濯魄石磊月中亦可澆

董其昌

送僧還東目

自謂人間世勞勞不暫閒越江堪濯足天目就登山  
芳草無愁色桃花有笑顏窮途三十載感激未東還  
黃汝亨

昭明禪寺

丹梯高倚石峻嶒短屐銖衣愜共登萬壑飛濤秋響  
切千峯沉靄暮煙凝臺荒帝子留殘偈錫卓高僧朗  
慧燈寥寂東來誰共賞孤松巖際白雲澄

分經臺

松孤葉落意如何尚說經臺事未磨三十二分歸寂  
後香風常住白雲窩

徐文龍

觀瀑亭

巖花遙向望中紛倒瀉銀河蕩積氳濺沫晝飛千樹  
雨凝寒夜鑲幾峯雲頽崖噴浪深于谷平地承流湧  
似瀆此際憑欄看不厭孤亭蒼蘚落斜曛

遊東浮玉

片石從空散翠微參差樹影競朝暉僧攀石磴雲歸  
臥客座流泉雪到衣明月乍懸諸界出寶花欲墮一  
山飛應知不惟登臨癖纔過琪林便息機

陳懋德

東目

望望層崖迥選憑曲磴扶月來千嶂曉燈見一龕孤  
鐘磬僧寮榻煙霞羽士墟何當尋勝賞葉令倩飛鳥  
讀東目古名公題石

萬壑晨鐘過遠村一天花雨散朝暎捫蘿徑轉雲光  
冷倚石風高木葉翻謾讀殘碑摩蘚跡好賡奇句動  
吟覓興來忽作蘇門嘯月下泉聲祇自繁

東天目志  
姚 鐘

瀑布泉和 崔翁李太尊韻

萬壑風濤沁骨清  
竭來一望眼能明  
晴飛電雪人方訝  
忽擁虬龍我亦驚  
似灑楊枝清濁界  
更懸朱幙護曾城  
塵心消盡塵緣薄  
肯戀絃歌百里聲

觀瀑和 劬翁徐二尊韻

經時案牘困囂紛  
喜對清冷洗俗氲  
流去似膏千里澗  
飛來不惜一些雲  
恍然界破青山色  
忽爾掀翻碧落濱  
我亦當年孟東野  
楮願寧敢惜斜曛

瀑布泉過昭明菴和 雲翁陳四尊韻

野性探奇愜名山  
取徑深琮瑋暗瀑雨  
幽靄翳雲林坐訝  
花飛袖行疑鶴在陰  
分經懷帝子  
弔古一沉吟

分經臺

分經傳帝子  
片石護煙霞  
勝蹟留千禩  
孤松是萬年  
花蜚陀鼻雨  
燈續遠公蓮  
髮髯如如現  
真空已了然

煉丹池

一從冲舉後  
笙鶴了無聲  
碧澗空遺跡  
澄潭自白雲  
避氛宜洗耳  
弔古欲離羣  
那敢管勾漏  
深山擬見君

飛橋

池上飛橋接太空  
白雲丹磴兩溟濛  
孤筇不怕蒼苔



滑可道無山着此翁

迴光庵

勞勞五濁帝所厭萬頃清凌向空瀉南陌紅塵高蔽  
天百年誰是迴光者

立春見雪和張去浮韻

菜甲爭喧羯鼓聲同雲六出尚飛英忻看律煖回幽  
谷魏鮮歌絃誦武城書著青山堪作古詩成白雪總  
難磨清秋月朗芙蓉鏡拭目凌空一鶴橫

張去浮以修東目志來却寄

訟庭寂歷蘚苔生却喜高賢蓋共傾賦就三都才八

斗吟成七步韻初更春來得雋須張鶩老去忘年屬  
正平好繫白駒桑下宿看他紫氣滿江城

僧詢

禮昭明寺

青山無數石凌兢轉憶當年帝子登瀑布倒懸秋水  
至流雲斜渡曉陰澄清浮列嶂飛黃葉寒落孤巖積  
翠冰寂寞一燈來自遠峯頭紅寺可傳曾

分經臺

秋色秋風路更長崔嵬浮玉轉清涼登臺試問諸天  
女花落分經第幾行

張 涑

東浮玉

浮玉森然嶽勢尊  
顧瞻萬里對崑崙  
蛟龍負氣青霄見  
豺豹欺人白晝蹲  
千觀似浮煙霧出  
九天誤指日星翻  
何當跨鶴黃雲上  
戲與仙人叩八門

沈朝煥

洗眼池

一勺寒潭片月清  
誰知慧眼自分明  
我將清白看人世  
笑向山僧歌濯纓

張汝翼

游東目

斧削危峯插斗傍  
躋看日出迥扶桑  
林花欲笑千山樹  
海氣疑分萬井光  
橋渡垂虹晴自舞  
池穿洗眼夜生涼  
當年帝子今安在  
祇見分經卷幾行

駱文盛

洗眼池

洗眼池中水更清  
千年遺跡舊昭明  
我來一洗塵中眼  
絕勝滄浪幾濯纓

李應徵

黑驢庵

誰言山徑險下有平溪路深林無猛虎莫自出山去  
平溪庵

誰言溪流平飛橋在其下白雲從空生秋濤此中瀉  
張兆行

瀑布泉

愜性耽丘壑行行路轉深危橋連絕澗飛瀑隱重林  
鹿子銜花曉猿公嘯樹陰坐來超世想扣石寄長吟  
黃鼎象

昭明庵

帝子登高始問禪定庵遂卓蒼溪邊生合白馬西山

慧自結黃金祇樹綠寒洗空池明兩眼經分靜室洞  
先天游遍卓錫躋真處可是心冥不寄筌

鐘磬堂

蒸雲石壁作冰崖帝子開壇墮雨花日耀碧金滄海  
湧風敲鐘磬赤城譁谷神不死梵無相大雅猶存佛  
有家山色原來供好客可堪袖袖滿煙霞

龍王祠

紫陽官外古龍潭潭底龍王駕法驟久嘆長天炎作  
苦忽看赤日澍隨甘額懸華表中書字經衍高齊老  
佛曇畢竟浮生塵世夢何如此際學和南

垂虹橋

鳥道斜穿積翠連兩峯中斷一橋懸幔亭已見浮虹  
彩渡海空勞策石鞭矯矯蒼鯢低入澗垂垂碧竦遠  
凌天逢僧問處知誰是未易丹青乞筆傳

洗眼池

水心應與道心同涓滴淙淙石髓中未把餘甘寒半  
先將微冷潤枯瞳澄波近照金盆色定沼平涵玉  
鏡空起光却憶分經日始信慈悲念可通

樓雲殿

閣來山色遠微茫笑指白雲帝子鄉悟道蒼松盤作

頂慈悲菩薩石爲腸寒生虹嶺波搖碧紅墮經臺  
滿牀回首東風樓閣暮老僧敲鼓送斜陽

煉丹池

茗水天開目作山仙家晝未白雲閒卽看丹竈煉金  
冷更有玄池漱玉潺怪石生香龜出曬松楸古色鶴  
飛還分明留箇長生訣何事縈縈歎髮斑

黑驢庵

入定高僧世久疎劈茅獨結臥雲居已從洞裏叅玄  
鹿復向齋頭飼黑驢虹嶺策歸貝葉後飛橋閒步曇  
花餘只今馴虎還山麓一水悠悠野北虛

陪道尊王岵雲觀瀑

曾聞天日賽匡廬百尺飛泉練不如豈是石牙開  
沈祇因溪路入清虛老僧洗藥虹橋下仙吏採珠罔  
象餘捧讀登高詞賦罷已知霖雨濟川初

馬配乾

白龍池

招尋天目勝濯濯白龍池臥待轟雷起飛將霖雨推  
林光耀鱗甲塔影動虬螭坐嘯青坪上天風猛欲吹  
洗眼池

底是分經能瘴明一池秋水信清清靈臺不染纖毫

翳滅罪行行慧自生

張翊

自西自至東目憩瀑布亭

極目雲天西亦東兩山尋勝興何窮凌空噴薄千峰  
白恍是銀河接玉龍

呂胤初

由觀瀑泉登千佛閣

披襟當曉吹散步攬煙霞瀑急芙蓉冷泉飛薜荔斜  
明珠傾萬斛法雨散千花欲證三生果燈前轉法華

寶珠峯

浮玉山頭七寶區夜來的的燦衣珠人間十二乘能  
照曾是摩尼掌上無

宋奎光

東天目瀑布

惟得雲松護碧巒玉龍十丈出巖端試評石鏡千峰  
雨何似懸崖噴雪寒

悟道松

果得西來意真同石點頭法雲摩頂後香雪化身留  
古骨宜寒歲禪心已幾秋我來根下坐直覺萬緣休

昭明臺

帝子游蹤滿吳越此山留滯是何年風流千載依青  
嶂芳草三春空暮煙荒徑澗愁稀客到清音不斷有  
鳴泉最憐日落停杯後片片松雲濯雨鮮

分經臺

萬松秋月出千嶺夕陽開隨他窮兩目無如此一臺  
携酒依雲後扶筇逐鳥回誰能編竹簡猶自獨徘徊

巖錫

游東目

一自青山去深林暮靄生凝眸澄月色浣耳入泉聲  
竹外煙嵐遠雲中雞犬鳴滄浪清可濯吾亦欲投纓

周應昌

游東目

探竒此際興偏賒回首珠林日欲斜  
覓得靈芽分九節何須丹訣聚三花  
谿邊按轡還題石野外留連且  
弄沙應是靈山堪寄興煙霞滿袖故忘家

吳煥

贈張生去浮來東目

一泉飛瀑布鎮日送潮來沫散珠為碎  
寒餘雪作堆不禁風更急相對正銜杯  
愛客臨邛令應須作賦才

汪若虛

悟道松

根穿石骨歲寒深悟道何人樹得名  
不信冰霜能易凋葉危崖孤挺故森森

俞昌祚

初登東目

山是何年闢游應誰氏先年來疑海國轉入訝壺天  
丹竈煙霞護青林風雨連經臺翻塔影飛瀑落峯巔  
高 鑊

洗眼池

心似澄潭徹底清星眸不拭亦常明  
三千大界纔觀

過又向高岡獨振纓

黑驢庵

曾聞白馬傳經卷此日玄驢解募緣果是禪師能伏  
虎深山應得任來還

大小龍潭

徑山天目有龍池自是僧奇龍亦奇若令龍潭歸佛  
地應時霖雨舞蛟螭

張遂辰

冬日張去浮東目見懷却和

夙昔號名勝茲游興有餘遂輕雲外路却寄雪中書

杖到從無跡詩來轉起予臨卬方重客賦筆適相如

高宗舉

觀瀑亭

去去一亭遠飛飛疑散花沫濺八月雪響動五雲車  
滴碎瑤池玉光分閬苑霞莫驚銀漢倒半壁瀉無涯

張壩

洗眼池

悠然一掬自澄清不信凡眸洗便明試向繙經臺上  
過靈光濯濯拂塵纓

阮貞道



飛橋

名山處處赤城標  
携杖臨流意自饒  
巖上落霞疑問  
渡溪邊飛葉忽辭條  
數間松舍塵氛冷  
百尺丹梯瀑  
布遙底是徘徊  
難遽去瓊軒雲外若為招

張希叔

冬日過東目訪雪菴于綠猗山房

銀囊錯認是藍關  
六出花飛片片寒  
回首瓊樓凝望  
處滿山惟有玉琅玕

龔五嶽

洗眼池

泠泠勺水為誰清  
聞說梁昭此受明  
堪嘆世人空具  
眼滄浪端不解投纓

趙元會

登東日上頂

天開雙日倚雲邊  
東見浮圖半壁懸  
草樹  
雨巖巒遙帶越江煙  
瀑濤又峽翻銀浪  
塔影  
紫旂直上峯頭看  
落照恍疑身是地中仙

潘紹姬

游東浮玉

曲逕穿林迥迥光  
冰鑑開聞泉疑入谷  
見瀑欲登臺

梵籟峯前度嵐煙樹杪回却從超世侶深夜且銜杯  
王克家

禮昭明禪寺

深山寂寂叩文殊寶刹空王複道紆遶塔風旛搖碧  
漢高峯雲樹隱浮圖分經是處千花落噴瀑綠崖乍  
雨驅只訝諸天常不夜摩尼隔水燦衣珠

姜子沐

贈張去浮往東目

前谿暮雨歇鳴撓望裏名山混碧霄大滌雲深多樹  
合洞宵鐘徹衆靈朝瀑飛濺漫瓊花落月影稀微金

粟飄仙吏招携良勝會此中純似虎溪橋

高宗舜

東目遇張去浮

天目東來勝盤桓此屬君冬仍三頂雪日換一溪雲  
野色侵衣媚濤聲入座殷勝緣應不偶深夜尚論文  
方九敏

登天目

勝地傳浮玉前朝此布金龍湫懸雨急鳥路入雲深  
萬仞鐘靈烝三秋愜素心塵緣促歸路回首戀東林  
陳謙光

登天目

薄暮投蘭若傳言帝子宮山深時見雪僧老不鳴鐘  
竹暗清溪月松吟靜夜風蕭條成異代張望思無窮  
孫文龍

游天目

天柱峯高高半空兩山對峙鬱龍蔥雲迷突兀疑無  
路響激巖巒信有風頰首可將吳越數朗吟直與帝  
閣通分經慢說昭明恨二目重開已自雄

又

一路看山輿轉除白雲深處有人家松濤沫噴千

雨竹徑香聞一縷茶玉柱白分蒼海月石淙紅映赤  
城霞煙波極目家鄉遠且向招提學結跏

張之標

伯兄去浮游東目過琴操墓有詠同和

只怪紅顏不耐寒西風寂歷曲聲殘千秋羸有蘇公  
在山水清音是處彈

弟之標和

指下分明絕世彈色空半偈失追歡風流不盡黃昏  
夜翠竹因風落珮珊

弟之楷和

青塚叢中玉骨塞不禁衰艸點斑斑亦知聞傷琴心  
冷忍聽枯桐還再彈

弟之杰和

附游東天目詠

天啓甲子之春奉李太尊命蒐剔天目乘遺隨地口占不敢參入諸名什

別爲一帙

張之采

偕臨父姚虛潢登分經臺

岩堯危閣倚雲裁帝子分經月滿臺青眼已隨泉水  
淨白文還向雨花開相携仙令揮毫過更喜高僧飛  
錫來三十二分何處是從來喝下絕疑猜

往東目見山谷與東坡佛印題石

志云僧嘗于山間得三先

生遺像

見公筆陣矯如龍更愛詩才老愈攻月下談禪來佛

東天目志  
甲座開揮塵屬坡翁玲瓏山下成三妙翰墨林中羣  
一空遺像至今知箇似還憑臥碣識宗風

游東目過謝安園碁處有感

山中有集賢  
峯天掌峯

落子聲聲應遠山夷然折簡捷音還未須秉鉞推先  
者已運兵機一局間片石集賢方穩臥幾峰天掌恣  
高攀只今退虜渾無計轉訝東山舒嘯閑

瀑布泉見坡公題

公嘗有公事了西湖之句

走處名山秋履新不知公事可羈人千秋逸興無能  
似瀑布遙飛月下塵

雪中見迎春和姚令公韻

放得梅花游屐馨夜殘爆竹旅魂驚凌晨街鼓填空  
谷一道春光入錦城飛雪滿山人盡瑞和冰蕭寺句  
爲賡漫疑羸有雲霞骨可是槎頭牛斗橫

天目懷張卿子

纔入青山徑仍懷白社盟病依僧榻夜詩寄故人情  
巖瀑飛寒雪江城放早晴不禁歸思促游屐滯山程  
自西目游東山有感次宋元實先生萍社紅字


韻

爲愛名山西亦東霜飛落葉水題紅功名不信煙霞  
外物色誰同石鏡中坐聽僧魚來夜月更聞清嘯赴

長風無端囊底青萍劍躍躍龍文政自雄

修東日志訪高兩日先生

爲問佳山水因知有主賓功名輕五馬聲價重連城  
解組娛親老縈懷眷 聖明只今多事日泉石遽深



文化圖書

